

F.C. Estrella di Santa Cruz awe ta cumpli 40 aña



nan cancha di basket cu ta sirbi tambe pa entre otro deportenan manera tennis, volleyball y recientemente futbol di sala. Na aña 1955 Estrella a in-

augura su propio clubhuis cu tambe a worde construi den menos di 10 luna pa e volun-

Sigui lesa pag.16

ORANJESTAD(AAN)- Awe dia promer di September ta exactamente 40 aña pasa cu Frere Fredericus hunto cu sr. Laudoro Wester y algun frere mas a bin hunto pa funda e equipo di futbol "Estrella".

Na cuminzamento e equipo di Estrella tabata hunga futbol escolar y despues e equipo a para bira un di e gigantenan den futbol Arubano y Antillano.

E tempo ey hopi trabao mester a worde haci ya cu no tabata tin tereno, ni club etc. Colegio San Hose tabata ser uza pa actividadnan pa despues pasa pa e Club San Martin.

Sinembargo ni un aña despues cu Estrella a keda funda nan por a inaugura nan propio tereno di futbol na Papilon (Sta. Cruz). E tereno aki despues di años tambe a sirbi pa e schoolnan di Santa Cruz y vecindario haya un lugar adecuado pa

eherce nan deportenan.

Cuatro aña despues cu inmen-

so labor di freres y voluntarionan Estrella a inaugura

F.C. Estrella di Santa Cruz Cont pag.14

tarionan di e pueblo di Santa Cruz. Mester menciona si cu ayudo a worde ricibi di Lago mediante e antes P.R/I.R. manager Sr. Bert Teagle. E ayudo aki mas bien tabata di materialnan pa dak cu tabata necesario pa caba di construi e club. Corto tempo despues Estrella atrobe cu ayudo di voluntarionan a inaugura nan judolokaal, werkplaats y sala di reunion.

Despues di tur e construccionnan aki, enfasis a ser poni ariba e nivel di futbol, como cu e ramo aki tabata esun mas gusta di e tempo ey. Despues di a traha cu e juniorennan pa basta tempo, Estrella a sigui promove den diferente categorianan y na año 1958 porfin e frerenan a haya cu tin un team fuer: e pa bay milita den e division di mas halto, e tempo ey yama "Hoofdklasse".

Por bisa cu di e tempo ey Estrella a mantene su mes den e categoria di mas halto di futbol te cu awe. Tambe por bisa cu Estrella ta un di e equiponan cu a logra mas titulo den e ultimo 25 añanan.

Na añanan 1968, 1973, (invicto) 1977, y 1985 Estrella tabata campeón di Aruba. Na 1963, 1965, 1967, 1969, 1970, 1971, 1974, 1976, 1978, 1981 y 1987 e team di Estrella tabata subcampeon di Aruba.

Tambe Estrella tabata 6 biaha subcampeon Antiyano te cu año 1985. Na año 1970 nan tabata campeón Antiyano.

Estrella a logra pone e record tambe como e equipo di Aruba cu mas a biaha pa participa den e competencianan Antiyano.

Personanan cu a fungi atravez

di añanan como entrenador di e equipo ta entre otro Sr. Juan Briezen, Sr. Guillermito Pardo, Sr. Angel Botta, Frere Paulus, Frere Gerardus, Sr. Jacinto Werleman, Sr. Honorario Bariales, Sr. Theo Cremers, Sr. Fenchi Dubero, Sr. Doddo Franken, Sr. Janchi Croes y Sr.

Benny Werleman.

Durante e añanan cu a pasa e equipo di Estrella a bishita y a efecuta partidonan di fogueo na diferente ciudadnan grandi entre otro na Costa Rica, Bogota, Medellin, Cali, Pereira, Barranquilla, Manizales, Mexico, Caracas, Maracaibo, Barquisimeto, San Cristobal, Acarigua, Merida y tambe na Guatemala.

Estrella ta orguyoso a e hecho cu durante e añanan di existencia e por a yuda forma y produci hopi lidernan clave den varios organizacionnan ariba e isla. Den circulonan di Estrella y den pueblo di Sta. Cruz semper a keda hopi aprecio y gradecido pa loke e frerenan a haci pa e juventud di Santa Cruz.

E equipo di futbol Estrella actualmente ta consisti di e siguiente personanan: Presidente Aiky Croes, Vice Presidente Antonio Croes (Bubu), Secretario: Francisco Weller, Tesorero/Consehero: Luciano Croes (Wichy), Comisarianan Juan croes, Dominico Ras (Coco) y Theo Rasmijn.

E deseo mas grandi di e directiva actual ta pa e hungadornan presta lo maximo e año aki den cual nan ta celebra hunto cu e pueblo di Santa Cruz e di 40 año, pa asina duna e pueblo di Santa Cruz e mihor regalo cu ta una vez mas e titulo di campeón di Aruba.

Pa motibonan di e playoff cu ta en "rojo vivo" awor aki, directiva a dicidi cu lo bay tene un recepcion mas den luna di September of October. Alavez directiva ta invita tur su fanaticonan pa bay apoya Estrella den su compromiso fuerte di Diasabra awor contra di S.V. La Fama den Lago Sport Park. Pa esnan cu no ta amante di futbol, lo bay tin un bingo e mesun anochi den Credit Union na Santa Cruz.

Estrella cu Bingo

ORANJESTAD (AAN):- S.V.Estrella, ta organiza un Bingo Diasabra dia 3 di September den Credit Union na Santa Cruz pa miembro y introducidonan.

E anochi di Bingo aki ta pa recauda fondo pa celebracion di 40 año di existencia di Club Estrella na Santa Cruz.

Un invitacion ta bay na henter pueblo di Aruba y di Santa Cruz en particular pa duna nan cooperacion y di e forma aki yuda S.V. Estrella cu celebracion di nan 40 año di fundacion.

Carchi pa e Bingo ta obtenible cerca tur hungador/miembro di S.V.Estrella y naturalmente na porta.